

23/03/2000

Seri Paduka utus tahniah

KUALA LUMPUR, Rabu - Yang di-Pertuan Agong, Sultan Salahuddin Abdul Aziz Shah menghantar perutusan tahniah kepada Presiden Mohammad Rafiq Tarar sempena Hari Kebangsaan Pakistan esok.

"Kami yakin hubungan rapat sedia ada antara kedua-dua negara akan terus berkembang dan diperkukuhkan di bawah kepimpinan tuan yang bijak," katanya dalam perutusan dikeluarkan oleh Wisma Putra, di sini.

Perdana Menteri, Datuk Seri Dr Mahathir Mohamad juga menghantar perutusan serupa kepada Ketua Pegawai Eksekutif Pakistan, Jeneral Pervez Musharraf.

"Malaysia dan Pakistan menikmati hubungan mesra sejak bertahun-tahun. Saya berharap untuk terus bekerjasama dan memperkukuhkan lagi hubungan ini," katanya.

(END)